



周光祿圃史序



光祿君之似公揚數與余論
文指端舌奉含吐香豔疑
其從衆香國來乃乞讀
光祿君圃史天工地能人

權則脩於而文詞爛然固知
公揚之才所發源遠矣余
少則讀嵇叢陽草木狀怪
其未該其所狀者固止一南
方也至橘錄荔枝譜之屬

僅志一物尤寒儉乃光祿
所載歲十二月有以補不
齊之漏月三十日有占通
五行志之緯四海內外九州
之以產凡百億種有性情

者還其所喜而無犯其所
忌費爾雅埤雅之未發且
於其負味之炎寒燥潤身
辛平惡毒可攻真膏可滋者
一、為拈出以羽翼神農氏

本草噫切偉矣說者徒以君
翔簪絨之材不忘嚼淡之著
述痛知其借樹植之法激示
素儲之經濟是在公揚識之
卦是在公揚用之卦公揚同

之葉拱而立曰使望得史天
下亦如是園矣

萬曆庚申端陽前一日

吳郡陳元素題



汝南圃史自序

余性癖閒嗜淡每於均堂隙地邀漢
陰丈人青門野叟相與商蒔花課竹
鋤豆種瓜之法綠煙埋檻紅雨沉牕
不使金谷梓里傲人於千載是吾迂
也既而染指雞肋羈身京洛政苦黃

塵蔽面故園清夢時時在鶯巢蝶隊
間適王君仲至貽我花史十卷閱之
乃周允齋先生所輯一時幽馨異彩
披拂几案覺塵土腸胃灑然若洗真
不減沸鼎中清泠泉也稍恨詮集未
該漫取架頭野牒并標耳目覩記若

竹木蔬藜菜菽之屬葺爲若干卷使
世有豪杰自闕不炫簪紱而喜托南
山種豆北郭澆花怡神養志以銷烏
兔顧不必乞橐駝之秘藏而四時收
植調理之妙一一如眎諸掌矣雖然
種植小經綸也灌溉小雨露也習得

此三昧轉爲用世之術安知非秉化
育撫林總默輔

聖王之治深培造化之功也哉以故余
力慵而中止意倦而輒廢者廼命望
兒廣采而竟其局以見不佞誠子之
微意固亦有在也然剗者允齋竟者

吾父子署曰汝南圃史以問後世復
有茂叔再出者請更廣之

萬曆庚申花朝吳郡周文華題於西
圃之香蝶寮



汝南圃史總目

卷之一

月令

卷之二

栽種十二法

卷之三

花果部

卷之四

木果部

卷之五

水果部

卷之六

木本花部上

卷之七

木本花部下

卷之八

條刺花部

卷之九

草本花部上

卷之十

草本花部下

卷之十一

竹木部

草部

卷之十二

蔬菜部

瓜豆部

汝南圃史總目終

汝南圃史卷之一目錄

月令

栽植

占候

汝南圃史卷之一目錄

汝南圃史卷之一

吳郡周文華含章補次

月令

栽植

正月

九焦在辰

地火在巳

天地荒蕪在巳

元旦雞鳴時以火把遍照一切果樹下則無
蟲災辰刻將斧班駁敲樹則結子不落名曰
嫁樹此月栽樹為上時以甌石放李樹岐枝

多結實凡栽果上半月多子忌南風火日諸
果樹宜削去低小亂枝

下梅桃核

銀杏

栗子

柑橘子

次年分栽

勃薺

山藥子

蒿苳子

麻子

上元日

牛蒡子

天羅子

薏苡仁

茄子

瓜子

菠菜子

蕪子

葱子

分李樹

木蘭

海棠

玫瑰

紫薇

金雀

扞石榴

蒲萄

梔子

薔薇

木香

楊柳

杉木

取嫩枝插芋頭或蘿
蔔內埋土露枝三寸

長春

接梅杏桃李

梨

林檎

棗

栗

柿

瑞香

海棠

木瓜

宜壅
狗糞

臘梅

黃薔薇

半丈紅

繡李

已上並雨水後

胡桃

木樨

荼蘼

月季

寶相

已上宜下旬

壓山茶

杜鵑

木樨

桑

移梅杏桃李

石榴

櫻桃

花紅

銀杏

棗

栗

柑橘

山茶

瑞香

花紅

繡毬

梔子

紫薇

西河柳

迎春

棣棠

佛見笑

金沙

木香

錦帶

菊花

長春

轉籬障

澆梅杏桃李

梨

林檎

瑞香

牡丹

芍藥

西瓜地

山藥地

韭菜地

掃去陳葉

壅 石榴

梨

棗

栗

柿

海棠

起 茨菰

二月

九焦在丑

地火在午

天地荒蕪在酉

社日以杵舂百果根則結子繁而不落以祭社餘酒及羹潑諸果樹則多子凡諸花木遇旱只澆清水切忌濃糞移植亦忌南風大日

石榴發嫩芽即掐去

下 松子

栢子

銀杏

梧桐子

椒子

茶子

榛子

松子

栗子

藕秧

菱

芡

蔗

茨菰

罌粟子

麗春子

錦葵子

秋葵子

翦春羅子

翦秋羅子

鳳仙子

决明子 金錢子 秋海棠子

雞冠子 西瓜子 生瓜子

甜瓜子 黃瓜子 絲瓜子

冬瓜子 刀豆子 紫蘇子

扁豆子 卑麻子 紫草子

瓠瓢子 山藥 芝麻

香芋 落花生 白菜子

茄子 菟菜子 宜晦 夏蘿蔔子

棉花子 絡麻子 苧線

分 壽李 石榴 花紅

紫荊 珍珠 玉簪

木筆 杜鵑 榆柳

玫瑰 山礬 虎刺

迎春 金雀 十姊妹

錦帶 甘菊 百合

萱草 石竹 翦春羅

翦秋羅 僧鞋菊 芭蕉

茴香 薄荷 甘露子

藿香 竹秧 葱秧

生菜 苦蕒

扞石榴 梨 葡萄 插蘿蔔 中栽

瑞香 芙蓉 春分日 薔薇

槿樹 杉樹 桑樹

柳樹 西河柳 俱春分前後

接梅杏桃李 枇杷 林檎 春分日

銀杏 棗 栗

胡桃 柿 俱春分前 橘

柑 香櫞 山茶

西府海棠 木樨 俱春分後

壓桑

移松 槐 梧桐

桑 栗 藕秧

海棠

木瓜

茉莉

萱草

蒿苴

薄荷

茄柯

黃瓜

葫蘆

生瓜

冬瓜

餘同正月
諸般花果

鋤橘地

整葡萄棚

剪去小枝。○天雨初晴北風寒切
聚亂草喂之少出烟氣以拒嚴霜

芟枇杷

澆林檎

橘柚

橙

瑞香

牡丹

芍藥

壅櫻桃

葡萄 用猪糞
和土

橘樹

橙樹

荷 用菜餅屑
或麻餅

木樨

椒樹

用糞灰及
細土覆根

看梅杏

白頭公吃須令人
驅逐半月乃可

採五加皮

甘菊頭

枸杞頭

蒿頭

鹽水綽曬

起茨菰

〔收〕榆槐桃柳桑皮 煎湯入鹽炒燉 擦牙宜春分日

三月 九焦在戌 地火在未 天地荒蕪在丑

寒食浸糯米做麵作藥清明縛樹上不生哉
毛又清明子時於樹上縛稻草一根不生諸

蟲

〔下〕藕秧

菱

勃薺

山茶

梔子

桐子

翦春羅

鳳仙

金銀錢

雞冠

鴈來紅

十樣錦

香蘋

落花生

芝麻

薄荷

黃精

茭苜

薑

紫蘇

芋頭

山藥

茄子

西瓜子

冬瓜子

南瓜子

黃瓜子

蘿蔔子

菠菜子

茴香

扁豆

黃豆

赤豆

菘豆 棉花子

分松樹 石榴 櫻桃

花紅 棗樹 梔子

山丹 芙蓉 天竹

簪蘭 菊秧穀雨前後 百合

石竹 翦秋羅 玉簪

珊瑚 芭蕉 枸杞

晚瓜 晚茄

扞櫻桃 瑞香 薔薇

月季

接梅杏桃李 枇杷 楊梅

栗 橘 橙

繡毬 冬青

種梅桃秧 白萼 山藥上旬

薑 芋 菊上盆

移石榴 楊梅 橘

橙

梔子

夾竹桃

桂

茶宜向陽地

椒

茄

莧菜

扁豆

韭

葱

出菖蒲盆

清明後

茉莉盆

立夏前從窖中移出

修蜜蜂筒

四月

九焦在未

地火在未

天地荒蕪在申

此月伐木不蛀小滿前後割蜜則蜂盛

下枇杷核

栗子

柿核

菱

芡俱宜上旬

芝麻

黃豆

芋

蘿蔔子

秋王瓜

葱

扦茉莉

芒種前後

壓梔子

亦可

木樨

亦可移

薔薇

瓜藤

夏至日

種芝蔴

青豆

香豆

栽茄秧 黃梅內栽亦有早茄先種但要捉蟲

搭黃瓜扁豆絲瓜棚

剪菖蒲 初八日又十四日皆可種

澆牡丹 晴時 櫻桃 落後糞水

採蠶豆 豌豆 蒜苗

落杏子 櫻桃 枇杷 俱先令人看守

收罌粟種 紅花 紫菜子

包梨

五月 九焦在卯 地火在午 天地荒蕪在子

五日收百草頭和陳石灰作刀瘡藥午日嫁

棗如元旦法

分水仙 葱秧 黃梅內栽六月不可澆糞

種菱秧 勑薺 小暑前

移竹 十三日為竹醉日

澆櫻桃 半和水糞 柑橘 黃梅內 桑樹 夏至掘開根下用糞

採生瓜 王瓜

落梅子

李子

收菠菜子

竹籜

芫荽

六月

九焦在子

地火在巳

天地荒蕪在辰

此月伐竹不蛀

下蒜

蘿蔔

胡蘿蔔

移茉莉

鋤竹園地

扎闌干竹屏

壅韭地

漆河泥

採紅菱

甜瓜

西瓜

收洛陽花子

剪春羅

薄荷

三次

七月

九焦在酉

地火在辰

天地荒蕪在亥

辰日伐木不蛀

下牡丹子

臘梅子

蜀葵

蒿苳

菠菜

甜菜

胡蘿蔔

胡荽

白菜

蘿蔔 蕎麥

分葱秧

澆木樨 猪泥糞和水

採菱 芡實

西瓜

薑

收棗 蓮子

薄荷 三次

茴香子

八月 九焦在午 地火在卯 天地荒蕪在卯

下罌粟 長春 麗春

石竹 洛陽花 紅花

紫菜 蒿苣 蠶豆

芥菜 菠菜 藏菜

大蒜 韭薤 胡荽

分石榴 櫻桃 紫荊

牡丹 芍藥 貼梗海棠

木瓜 百合 石竹

剪春蘿 剪秋蘿 沃丹

金燈 佛龕 珊瑚

葱

并薔薇 木香 俱秋分前 或壓亦可

接桃樹 花紅 玉蘭

牡丹 西府海棠 垂絲海棠

種大蒜 韭菜

移梅杏桃李 櫻珠 枇杷

銀杏 橘樹 橙樹

梧桐 牡丹 秋分前後 芍藥

木瓜 梔子 木樨

採菱 芡

落石榴 柿 白露後

收梧桐子 鳳仙子 金銀錢

薏苡仁

九月 九焦在寅 地火在寅 天地荒蕪在未

九日收菊花曬乾為末用糯米一斗蒸熟以

麴并菊花搜和如常醞法酒熟飲之可治頭

風

菱

浸

下罌粟 九日

紅花 月終

蠶豆 中旬

芥菜

春菜

分櫻桃

芍藥

貼梗海棠

臘梅

八仙

移枇杷

橘

橙

山茶

牡丹

芍藥

茉莉 入室內

蠟梅

麗春

萱花

轉橘塚

澆梅杏桃李

落石榴

梨

銀杏

栗

木瓜

收菱

芡

木瓜子

霜降後

秋葵子

翦秋蘿子

决明子

雞冠子

雁來紅子

南瓜

山藥子

霜降後

長柄瓠子

草麻子

薏珠子

白蘇子

去荷花缸內水

十月

九焦在亥

地火在丑

天地荒蕪在寅

分榔李

櫻桃

木筆

芍藥

木瓜

玫瑰

天竹

棣棠

錦帶

水仙

金萱

玉簪

秋牡丹

移橘

橙 仲冬亦可

臘梅

澆橙樹

落後糞水

壅竹園

用稻管泥若用河泥必黃梅熱過者可壅

起甘蔗

收橘柚柑橙俱小雪前後

香薷

梔子

藏夾竹桃菖蒲

芙蓉條斫長尺許以溼稻稈蓋向陽處來春二月扦插

葡萄藤截壯藤長三四尺埋熟糞內來春二月扦插

包粟

十一月九焦在申地火在子天地荒蕪在午

冬至日用糟水澆海棠根來春花盛貯雪水

埋地中用浸諸色種子耐寒且不生蟲兼可

醫治小兒熱毒取溝泥曬乾篩淨以待二三

月盆中栽植

埋菊秧

封菖蒲窖

藏薑種小雪前後

十二月九焦在巳地火在亥天地荒蕪在戌

貯臘雪取溝泥一如前月之法

扞石榴

五二十

楊柳

日不姓二十四

宮柳

薔薇

佛見笑

十姊妹

修桑

扎闌干竹屏

六月亦可非此兩月則薔薇木香之類皆生嫩條不可動搖矣

澆櫻桃

橘

橙

和水濃糞

桑

牡丹

狗糞壅亦妙

芍藥

壅櫻桃

楊梅

灰糞遶傍壅根

韭菜

俱用河泥

以上非立春後則地脉未和皆不可移動惟扞柳宜于臘月即澆壅大率濃糞為佳

占候

老農欲知水旱老圃亦辨陰晴負耒荷鋤更

相問答故方言偶語竝載入史先繫總說而

仍次之以月日云

總說

三青一貴

謂稻秧及桑與梅嘉靖壬戌桑葉甚貴其年秧多梅子價賤

春甲子雨赤地千里夏甲子雨行船入市秋

甲子雨禾頭生耳冬甲子雨飛砂滿地

一云牛羊

凍死又云甲子值隻以上見鎖碎錄按田家
日多驗雙日或未然

五行與此少異云春雨甲子乘船入市夏雨

甲子赤地千里

赤尺古通用言爲雨阻跬步若千里之難

秋雨甲

子禾頭生耳冬雨甲子雪飛千里未知孰是

雲行南雨溥溥雲行東馬頭通雲行西雨淋

雞雲行北曬破屋

芙蓉花初開第一朶秤其輕重則知來年米

價重一錢則米價亦如之甚驗

時逢室壁多風雨雨到奎星方始晴婁胃西

風雲霧起昴畢登高天半晴觜參井遇大風

起井鬼天陰是有晴總道柳星烟障起星中

雲黑也還晴張翼相逢天大沛軫角直日皎

然晴亢有大風沙石走氐房心尾雨風聲箕

斗微微頭上雨女牛細雨不分明一到虛危

風大起若興雲霧隔朝晴

又日箕好風畢好雨

春丙暘暘無水浸秧夏丙暘暘無水插秧秋

丙暘暘乾收上倉冬丙暘暘無雪無霜

月如懸弓少雨多風月如仰瓦不求自下

朝華不出市夜華走千里

未雨先雷船去步回

行得春風有夏雨落得臘雪有河豚

夏至酉臨六月旱重陽戌遇一冬晴

雨打丁巳頭四十五日無日頭

壬子癸丑甲寅晴麻套釘靴掛斷繩

久晴望戌雨久雨望庚晴

鶴神上天怕馬嘯下地怕狗叫

上天次日為甲午下地次

日為庚戌言此兩日若雨必連綿不止也

春吃瘟瘟夏吃水秋吃五穀冬吃米

凡交節氣日若

風正對鶴神所坐之方即帶物吹入口中惟立春日風向之為吉餘俱不利

正月

先天與後天何須問神仙但看立春日甲乙

是豐年丙丁多主旱戊己損田園庚辛人馬

國史 卷一
動壬癸水連天

歲朝西北風大水害農工歲朝東北五穀大熟

正月朔雨主春早元日霧歲必饑

元旦日未出時東方有黑雲春多雨南方有黑雲夏多雨西方主秋北方主冬皆如之

元日晴和無日色其年必豐

一雞二犬三猪四羊五馬六牛七人八穀凡

晴爲吉

一日雨人食料一升二日雨人食料二升三日雨人食料三升四日雨人食料四升五日雨主大熟

五日內霧穀傷民饑

八日看參星參星在月身邊教郎廣種白蒲田參星參在月爪上鯉魚跳在鍋蓋上初八弗見參星月半看見紅燈

甲子豐年丙子旱戊子蝗蟲庚子亂若逢壬子水滔滔只在正月上旬看

風送上元燈雨打寒食坟

上元日晴宜百果又元宵無雨多春旱

十七日棉花生日晴明花有收

未蟄先蟄人吃狗食又云未蟄先蟄一百廿日陰溼

春雷須見米弗米弗肯晴

正月陰溼好種田二月陰溼沒子田

正月有壬子桑葉貴有甲子初貴後賤

春寒多雨水春煖百花香

二月

二月夜雨爲醉頭雨黃梅中雨之多寡因之以十夜爲率主雨水調勻過則水不及則旱此最驗

初八日祠山大帝生辰朝有西南風主豐稔

十二日爲花朝十三日爲收花日俱宜晴明
主百穀果實倍收

社公弗吃乾糧社婆弗吃舊水立春後第五
戌爲社日必有雨

三月

三月無三卯田家米不飽初一雨飄飄入民
當食草

初三日田雞上晝叫上鄉熟下晝叫下鄉熟

終日叫上下一齊熟

田雞叫得啞三青變子鮓

又云田裏
收稻把

田雞叫

得响田裏好牽漿

三月初三晴桑樹上掛銀瓶

是日東風
葉稍賤

又云

雨打石頭遍桑葉錢三片又云三日尚可四

日殺我

言四日有雨
則桑葉貴甚

未詳孰是

初七無雨下秧晴十七無雨蔣秧晴廿七無

雨收稻晴

十一日麥生日喜天晴

寒食雨爛麥堆

雨打紙錢頭麻麥不見收雨打墓頭錢今年

好種田

清明日雨主梅裏有水晴則旱又清明日雨

百果損

清明午前晴早蠶熟午後晴晚蠶熟一日晴

早晚兩蠶俱大熟

清明糞缸內有
蛆蠶好養葉貴

辰戌丑未葉如金子午卯酉兩平平寅申巳

亥如泥土清明之日看分明

三月溝裏白溝底一畝麥

言三月晴則
麥有收也

是月若連雨四日主五穀貴

四月

初四稻生日喜晴

小麥是箇鬼

吳音
叶舉

只怕四月初八夜裏雨

八日雨斑斕高低盡可憐

十三有雨麥無收

有穀無穀只看四月十六四月十六烏漉禿

高低田稻一齊熟四月十六清齋竈堂裏摸

蚌

十六月上早低田好種稻

水少故也

四月十八雨飄飄高鄉好種雜牢嘈

是日雨主旱

二十八日小分龍若然無雨是懶龍

是日無雨主旱

日煖夜寒東海也乾

麥秀風來擺稻秀雨來淋

立夏日無暈主無水有暈須預做湖塘

立夏日朝有露水桑葉大貴天晴主旱

五月

初一落雨井泉浮

吳語叶扶

初二落雨井泉枯初

三落雨連太湖

農人多以五月一日之陰晴卜一年之豐歉瑣碎錄

五月初一若雨落牆坍壁倒難收捉

茫種逢壬便立梅遇辰則絕

迎梅一寸送梅一尺

雨打梅頭無水飲牛雨打梅額井底開圻
低田只怕迎梅雨高田只怕送時雷

黃梅寒井底乾

梅裏雷低田拆舍歸

梅裏一聲雷時中三日雨

萍種後半月
謂之禁雷天

梅裏一日西南時裏三日溥溥

黃梅時水邊草樹上看魚散子之高低卜水

之增止

夏至端午前抄手種年田

端午日雨主來年大熟當年絲貴

夏至在五六弗賣牛車便賣屋

夏至日个雨一點值千金

夏至忌日暈暈則大水

夏至有雲三伏熱

夏至酉臨六月旱重陽戌遇一冬晴

夏至日西南風急風急沒慢風慢沒

夏至日雨為淋時雨不肯即晴

時裏西南老鯽奔潭

中時腰報倒黃梅 黃梅後為三時頭時三日
中時五日末時七日中時

雨主大水末時雷主久晴故又云
迎梅雨送時雷送子去再弗回

二十分龍廿一鰲拔子黃秧便種豆

二十分龍廿一雨石頭縫裏盡是米

小暑日雨黃梅倒轉

六月

六月初一一劑雨夜夜風潮到立秋

六月初三打個陣上晝種田下晝困

六月初三晴沿山竹篠盡枯零

六月弗熱五穀弗結

六月西風吹遍草八月無風秕子稻

伏裏西北風臘裏船弗通

夏末秋初一劑雨賽過唐朝萬斛珠

七月

七月秋蒔到秋六月秋便罷休

朝立秋涼颼颼夜立秋熱到頭

立秋日天氣晴明萬物多不成熟

秋踣躑損萬斛

立秋日發雷名秋踣躑主晚稻秕故云

立秋日東南風稻花三開三閉西南風稻花

五開五閉西北風稻花七開七閉農人以開

閉太遲為慮恐遇風雨歉收耳

立秋日西南風主禾稻倍收發風三日畝收

二石

十五日稻竿生日要晴一云十四十五十六

有雨俱主撩水稻俗又謂稻并生日

立秋後虹見為天收雖大稔亦減分數

處暑若還天不雨總然結實也無收

八月

八月朔日晴連冬早有雨好種大小麥并薑

白露號天收有雨損穀名苦雨

白露前是雨白露後是鬼

八月十五雲遮月來歲元宵雨打燈

二十四為稻藁生日雨則藁腐

秋分日晴及東南風主有收

分社合日農家叫屈

分了社吳語叶乍穀米遍天下社了分穀米如錦

墩

八月小糯米便是寶八月大街頭有菜貨

人怕老窮田怕秋旱又云飽水足穀

三卯三寅麥出低村三庚二卯麥出拘巧高鄉

九月

一日至九日凡北風則來年米賤以日占月

如一日北風正月賤二日北風二月賤也

九日雨禾成脯言有雨收禾必晴

重陽溼漉漉穰草千錢束雨主柴貴

重陽看風色東北風是石崇口裏風萬物皆
結實西北風是范丹口裏風實是無告吃

呼無物為
無告也

九月十三晴弗要蓋稻亭

霜降見霜搗米個做霸王

十月

賣綿絮婆婆只看十月朝無風無雨哭號咷

十月初一晴柴炭灰樣平

十月初一西北風糶子新米糶冬春

來年
米賤

立冬日晴主有魚

小雪日雪主穀賤

十月雷人死上爬堆

十月無壬子畱寒待後春

雨打冬丁卯飛禽弗得飽

十月迷露明塘寬十一月迷露明塘乾

十一月

冬至前米價長貧兒有長養冬至前米價落窮漢轉消索

要知來年閏只看冬至剩

十七日彌陀生日東北風天有雲主來歲有雨大熟

冬至後三辛立臘

十二月

臘月雷地白雨來催

若要麥見三白

兩春夾一冬無被煖烘烘

臘雪是被春雪是鬼

汝南圃史卷之一

汝南圃史卷之二目錄

栽種十二法

下種

分栽

扞插

接換

壓條

過貼

移植

整頓

澆灌

培壅

摘實

收種

汝南圃史卷之二目錄

汝南圃史卷之二

吳郡周文華含章纂次

栽種十二法

栽種各有所宜分列百
卉下茲先載其總法

下種

凡下種必擇吉日及天晴為妙雨則不苗三五

日後必欲雨旱則不生須頻澆水下種後不

得令人足雞犬踐踏

允齋花譜

核宜排子宜撒其法收枝頭乾實懸通風處臨

種少曬擇向陽所以肥土鋪半將核尖向上

排定再以肥土蓋之乾溼得所為妙

灌園史

凡果須候肉爛和核種之否則不類其種

瑣碎錄

凡種蔬菰必先燥暴其子蔬宜畦種菰宜區種

畦地長丈餘廣三尺先數日斲起宿土雜以

蒿草火燎之以絕蟲類併得為糞臨時益以

他糞治畦種之區種如區田法區深廣可一

尺許臨種以熟糞和土拌勻納於地中候苗

出視稀稠去畱之又有芽種凡種子先須淘

淨頓匏瓢中覆以溼草三日後芽生長可指

許然後下種先於熟畦內以水飲地勻摻芽

種復篩細糞土覆之以防日暘如依此法菜

既齊出而草又不生

稼圃奇書

分栽

根上發起小條俱可分栽先就本身相連處截斷未可便移待次年方可移植或叢生者則不必然亦須按月分栽則活

允齋花譜

凡花木有直根一謂之命根趁小時栽便盤了或以甌瓦盛之勿令生下則他日易移以利斧斷之亦可

瑣碎錄

扞插

凡扞插花木須地土肥細二三月間萌蘖將動時選肥嫩發條取下斬長尺許每條下削成馬耳狀卽以杖刺土成穴深五六寸許以花條插之半入土內半出土上仍築令土著木日用水澆灌令土常潤澤夏搭涼棚蔽日冬作暖棚以禦霜雪候長成方可移栽

允齋花譜

圃史 卷二 百三十三
花盆種之時時澆溉花過則生根矣既不傷
生又可得種亦奇法也 癸辛雜識

接換

凡葉相似實與核相類者皆可接換下向根脚
謂之樹砧如桃砧接梅接杏櫟砧接栗之類
是也若若本色接本色尤妙砧大者宜高截小
者宜近地截截訖用快刀鋸砧上鋸齒痕將
取到接頭斷長四寸許根頭斜削皮骨成馬
耳狀又將馬耳尖頭薄骨翻轉割去半分納
口內噙養然後於砧盤左右皮內木外批豁

或兩道或三道納所噙接頭於內極要快捷
 緊密須使老樹肌肉與接頭肌肉相對用竹
 籜闊寸許劈開雙摺齊砧面包裹再用竹籜
 包其砧頂通以麻皮纏縛牢固爛泥封其罅
 隙再用瓦盛潤土培養接頭上乾即灑之上
 露接頭二三眼以通活氣直至秋間新枝長
 成方可去土

允齋花譜

凡接換必須相稱砧大宜高截砧小宜低截對

接上下各正去半寸偶接上下各斜去半寸
 插接截平本根削斜分枝插皮內合接同種
 兩枝各削去半邊俱用麻縛篾幫泥封籜裹
 四圍扞棘以防鳥雀常將水灑更避日色若
 遇狂風大雨急宜遮護否則不活

灌園史

接法有五一曰身接將鋸截去原樹枝莖作盤
 砧高可及肩以小利刃於其盤之兩旁微啓
 小罅隙半寸先用竹籤候之測其淺深即以

所接條約長五寸一頭削作小筩子先噙口中假精溢以助其氣卽納之罅中皮肉相對插之卽用樹皮封繫桑皮穀皮之類寬緊得宜用牛糞和泥斟酌擁包勿令透風外仍畱一眼於上以泄其氣二日根接以鋸截斷原樹去地五寸許以所接枝條削皮插之一如身接之法就以土培封之以棘圍護之三日皮接用小利刃於原樹身八字斜劈之仍以

竹籤探著深淺將所接之枝皮肉相向插入封護如前迨接枝發茂斬去原樹枝莖則所接新枝自然條達四曰枝接一如皮接之法五曰搭接將已種出芽條去地三寸許上削作馬耳將所接枝條併削馬耳相搭接之封繫糞擁悉如前法

稼圃奇書

凡接矮果及花用好黃泥曬乾篩淨小便浸之再曬浸十餘次以泥封樹枝用竹筒破作兩

園史 卷二
片封裹之則根立生次年截取栽之

瑣碎錄

凡接樹須其生意已動未發芽時不先不後乃

易活

王氏日抄

凡接花樹雖已接活內脂力未全包生未滿接

頭處切勿令梅雨得以浸其皮

瑣碎錄

宦游紀聞載種花法云春分和氣盡接不得夏

至陽氣盛種不得立夏以後不可移種其云

春分不可接樹則妄也接樹之期大率先梅

杏桃李次棗栗梨柿次柑橙橘柚惟金橘尤

宜遲蓋氣未動而接者多不能活

允齋花園

凡接樹雖活下有氣條從本身上報者急宜削

去勿令分其氣力

允齋花譜

壓條

壓黃薔薇法黃梅中攀枝着地用樹鈎釘住令其貼服用肥土壅之明年生根後截斷再隔一年移栽因此種最難活必須用此法凡壓條倣此

允齋花譜

過貼

凡花木不可分不可接不可壓用過貼法

凡欲過貼先移葉相類之小樹於旁從兩邊樹枝可相交合處以刀各削其半對合著用竹籜包裹麻皮纏縛牢固泥封之大樹所合枝旁截令斷小樹所合枝去其梢至來春方可截斷連處待長後移植

允齋花譜

移植

凡移植果木必先於九月霜降後掘轉成圓塚以草索盤縛原土未可移動仍以鬆土填滿周遭罅隙待次年正二月移栽栽處宜寬作區安頓端正然後下土將木器斜築根底下以實爲度上以鬆土覆之若本身高者須用竹木扶縛定勿使風搖動安頓完卽以肥水澆之如無雨每朝灌水直待半月後其根實

園史 卷二
生意發動乃止大樹髡其梢小則不必髡若
路遠未能便種必須蔽日若塚碎日炙卽不
活矣

凡栽樹正月爲上時二月爲中時三月爲下時
然棗雞口槐兔目桑蝦蟆眼榆員癩自餘雜
木鼠耳蚩翅各以其時樹種旣多不可一一
備舉

凡樹一移當三年

瑣碎錄

先記枝之所向將竹刀掘起下勿傷根上勿損
葉如前種之再加肥土填滿四邊又以石子
鋪面以防泥濺如泥一濺葉卽黃脫仍須澆
灌得宜謹避風日數日卽活

灌園史

花木接者或砍移種須令接頭在外

瑣碎錄

移栽果木宜在望前則結子繁多

灌園史

整頓

避忌祈禳保護驅邪附

正月修諸花果樹木削去低小亂枝勿令分力

結子自然肥大

允齋花譜

樹木發芽時於根旁掘土須要寬深尋直下釘

地根截去畱四邊亂根勿動却用土覆蓋築

實則結果肥大勝插接者謂之駟樹

農桑撮要

花果樹木有蟲蠹者務宜去之其法用鐵線作
鈎取之一法用硫黃雄黃作煙熏之即死或

用桐油紙撚條塞之亦驗

稼圃奇書

凡樹內蛀蟲入春頭俱向上難於鈎取必用煙熏唯冬則向下將鐵線一揆立盡

王氏日抄

花果樹木有蟲蠹者以莞花納孔即除一云百部葉亦可又正月間用杉木作小釘塞之其

蟲立死

瑣碎錄

凡種好花木其旁須種葱薤之屬以辟麝花木最忌麝香之觸瓜尤忌之若既為所觸急於

上風燒硫黃氣以解之

灌園史

樹得桂而枯然未可槩論若以桂為釘釘在下

則枯釘在上則茂

瑣碎錄

菓子生花花謝時天晴日猛其年結果必多遇雨即少鑿開樹皮納少鍾乳末則子多且美又樹老以鍾乳末和泥於根上揭去皮抹之

樹復茂

瑣碎錄

凡木皆有雄雌雄者多不實可鑿木作徑寸穴

取雌木填之乃實

允齋花譜

生人髮掛果樹飛鳥不食其實

允齋花譜

果樹無子以社酒或社日羹潑之其生必多又

社日杵百果根則子大

瑣碎錄

諸般樹木整頓尤須得法去瀝水枝

向下去刺者

去刺

身條

向內者

駢紐枝

連結者

冗雜枝

多亂者

風枝

細長者

者旁枝

新發者

或將大枝截去以蜜塗之復以

馬糞和泥罨其潤處或用魚腥水澆之便生

苔蘚尤助野趣如盆中樹欲其曲折略割其

皮隨意轉摺以椶縛之自饒古意

灌園史

種樹時將大蒜一枚甘草一寸先放根下永無

蟲患若有蛀眼以硫黃塞之有蟻穴以香油

或羊骨引之有蚓穴以鴨糞或灰水澆之

凡種盆景保護務要及時倘風水相侵寒熱暴

至當以布帳遮之或箴簞覆之如遇輕陰細

雨淡日和風出架庭中勿令著地恐致根長

及引蟲蟻

冬日將樹掘起洗淨勿傷根芽當量樹之老嫩於日中曬數日乾極則灑水復用肥泥拌宿壤種之若天煖澆糞數次亦可若止曬一面則餘三面皆無花矣

灌園史

以烏賊魚骨鍼花樹輒死

瑣碎錄

植物去皮則死氣在外也

允齋花譜

草木被羊食者不長

允齋花譜

諸豆與油麻大麻等若不及時去草必為草所蠹耗雖結實亦不多諺云麻耘地豆耘花麻初生即耘豆雖花時尚可耘也

珊瑚虎刺翠雲草秋海棠山茶菖蒲皆喜陰遇日色多枯槁宜遮蓋之杜鵑尤不宜日置之樹陰深處則蒼翠可愛

允齋花譜

澆灌

澆灌必分早晚早宜肥水澆根其法鋤嫩青草
拌溝泥同罨缸內久則自然流出青水澆之
晚宜清水灑葉其法取天落水或河池水置
缸內投石子數枚澄過灑之若晚間驟雨急
宜遮護恐烈日曬後熱氣蒸花故也

灌園史

凡草木發芽不可澆糞恐傷其根也花開時不
可澆糞恐墮其花也糞須和水不可太濃若

用停久冷糞曾經雨露者尤妙

稼圃奇書

草木之性不同如茉莉石榴不妨過肥杜鵑花稍著糞穢則木立槁又五月梅雨時不宜用肥肥則根必腐爛八月白露雨至必生嫩根槩以肥澆非獨無益抑且有害

允齋花圃

澆灌之法須按月輕重暑月宜清臘月宜厚如正月用糞和水七之三二月六之四三月平分四月四之六五月三之七六月二之八以

後月分例照前月次第加減

允齋花譜

凡花藥當在數日後開者用馬糞浸水澆之次

日即開謂之催花法

稼圃奇書

培壅

培壅先於貯土須鋤青草以糞澆之煨過再燒
如此數次搗碎篩淨揀去蕪瓦草根收藏缸
內安頓日照雨曬處或將黃泥浸臈糞中年
餘取出曬乾用之或植盆樹將炭屑及瓦片
浸糞窖中經月取出以為鋪盆用 允齋花譜
凡種花欲得花多須用肥土壅根高三五寸但
宜在十一十二正月餘月皆不宜壅 允齋花譜

摘實

凡果實未全熟時不可便摘恐抽過筋脉來歲

不盛

瑣碎錄

又果熟時勿輕摘採如動破一枚飛鳥皆來啄

食

灌園史

凡果實異常者根下必有毒蛇切不可食

瑣碎錄

花果樹曾經孝子及孕婦手折則數年不生花

即花亦不甚結實

灌園史

凡果實及阜莢之類如初結實之年爲僧尼所
觸終不復結

允齋花譜

收種

凡收子種須選其無病而綻者曬令極乾以甌
收貯懸於高所勿近地氣恐生白霉卽無用
隔年亦不生

允齋花譜

凡收核種必待其果熟甚擘取其核便於向陽
煖處深寬爲坑以牛馬糞和土平鋪坑底將
核尖向下排定復以糞土覆之令厚尺餘至
春生芽萬不失一忌水浸風吹皆令仁腐一

法以泥包核如彈丸曬乾投前坑中更妙允齋

花譜

汝南圃史卷之二

汝南圃史卷之三目錄



花果部

梅

杏

桃

李

榔李

石榴

梨

櫻桃

汝南圃史卷之三目錄

汝南圃史卷之三

吳郡周文華含章補次

花果部

梅

梅一名枏杏之類樹及葉皆如杏樹比杏稍黑
葉比杏稍青北人不識故賈元勰曰梅花早
而白杏花晚而紅梅實小而酸核有文杏實
大而甜核無文梅任調食及蒸杏則不任此

用世人或不能辨言梅杏爲一物失之遠矣
花香先百花開結實至五月而熟范石湖梅
譜曰梅天下尤物無問知愚賢不肖莫敢有
異議學圃之士必先種梅且不厭多又曰梅
以韻勝以格高故以橫斜疎瘦與老枝怪奇
者爲貴其新接釋本抽嫩枝直上或三四尺
如酴醾薔薇類者謂之氣條此直宜取實規
利無所謂韻與格矣又有一種糞壤力勝者

於條上茁短橫枝狀如棘鍼花密綴之亦非
高品其叙梅類有江梅遺核野生不經栽接
者又名直脚梅或謂之野梅凡山間水濱荒
寒清絕之趣皆此本也花稍小而疎瘦有韻
香最清實小而硬有早梅花勝直脚梅吳中
春晚二月始爛熳獨此品於冬至前已開故
得早名錢塘湖上亦有一種尤開早予嘗重
陽日親折之有橫枝對菊開之句行都賣花

者爭先爲奇冬初折未開枝寘浴室中熏蒸
令拆強名早梅終瑣碎無香有官城梅吳下
圃人以直脚梅擇他本花肥實美者接之花
遂敷腴實亦佳可入煎造有消梅花與江梅
官城梅相似其實圓小鬆脆多液無滓多液
則不耐日乾故不入煎造亦不宜熟惟堪青
噉有古梅其枝樛曲萬狀蒼蘚鱗皴封滿花
身又有苔鬚垂於枝間或長數寸風至綠絲

飄颻可愛有重葉梅花頭甚豐葉重數層盛
開如小白蓮梅中之奇品花房獨出而結實
多雙尤爲瑰異極梅之變化工無餘巧矣有
綠萼梅凡梅花跗蒂皆絳紫色惟此純綠枝
梗亦青特爲清高好事者比之九疑仙人萼
綠華又有一種萼亦微綠四邊猶淺絳亦自
難得有百葉細梅亦名黃香梅亦名千葉香
梅花葉至二十餘瓣心色微黃花頭差小而

繁密別有一種芳香比常梅尤穠美不結實
有紅梅粉紅色標格猶是梅而繁密則如杏
香亦類杏詩人有北人全未識渾作杏花看
之句與江梅同開紅白相映園林初春絕景
也梅聖俞詩云認桃無綠葉辨杏有青枝當
時以爲著題東坡詩云詩老不知梅格在更
看綠葉與青枝蓋謂其不韻爲紅梅解嘲云
有鴛鴦梅多葉紅梅也花輕盈重葉數層凡
雙果必並蒂唯此一蒂而結雙梅亦尤物有
杏梅花比紅梅色微淡結實甚匾有爛斑色
全似杏味不及紅梅吳邑志云梅花疎瘦有
韻山家多種之光福山中尤多花時香雪三
十里物外奇賞也又云梅子其味仍在熟時
青黃餽飢歷時最久埤雅曰子赤者材堅子
白者材脆俗云梅花優於香桃花優於色天
下之美不得而兼者若荔枝無好花牡丹無

美實亦其類也今江湘四五月間梅欲黃落則水潤玉溽礎壁皆汗蒸鬱成雨其霏如霧謂之梅雨沾衣服皆敗黧故自江以南三月雨謂之迎梅五月雨謂之送梅梅食之生津液能止渴而損齒本草衍義曰食梅則津液泄木生水也津液泄故傷齒腎屬水外爲齒故也其熟者以火熏之爲烏梅以鹽殺之爲白梅其青者以糖和之作糖梅以蒜醋和之

作蒜梅或又杵白梅和以紫蘇作梅醬古人用以調羹疑卽此也齊民要術作白梅法梅子酸核初成時摘取夜以鹽汁浸之晝則日曝凡十曝十浸便成調鼎和羹所在多入也作烏梅亦以核初成時摘取籠於突上薰之令乾卽成矣烏梅入藥不任調食也春間取核埋糞地待長二三尺許移栽亦有野出者必數年始著花今人取佳種接桃樹上或用

本色春秋皆可接唯在春分前後則易活二
三年便有花此捷法也九月間用糞澆溉又
云移大梅樹去其枝梢大其根盤沃以溝泥
無不活者或云於苦楝樹上則成墨梅然詢
之老圃獨宜江梅餘俱不然灌園史曰瓶中
插梅花將醃肉汁撇去浮油入瓶插之可至
結實或用煮鯽湯亦可陳眉公曰以乾鹽貯
瓶插梅其中鹽梅相和尤覺清韻

杏

杏葉如梅而圓大花先赤後白艷麗可愛栽種
之法與桃李同但宜近人家不得移動耳二
月開花五月實成其仁有毒須煮令極熟以
中心無白爲度此果多花少實實多亦爲農
祥師曠占術云杏多實不蟲者來歲秋禾善
文昌襍錄云揚州李冠卿所居堂前杏一株
極大多花而不實一老嫗曰來春爲嫁此杏

冬深忽攜尊酒云是婚嫁撞門酒索處子裙
繫樹上已奠酒辭祝再三家人咸哂之明年
結子無數瑣碎錄云杏熟時合肉埋糞土中
至春旣生則移栽實地旣移不得更動用桃
樹接或本色接興化府志云杏北地所產移
種至此不生生亦不蕃不久隨絕亦猶南橘
北枳其性各有所宜也今陝西出八丹杏杏
肉多查不可食惟取其仁食之亦名杏榛與
今所食杏又自不同也

桃

桃之品不一其花繁麗仲春之月始開木少則
花盛詩云桃之夭夭灼灼其華是也五六月
實成亦有至十月始熟者爾雅翼云桃能去
不祥桃之實在木上不落者名桃臬一名桃
奴及莖葉毛皆去邪故古植門以桃梗出兵
以桃弧臨喪以桃刻典術云桃者五木之精
仙木也故厭伏邪氣制百鬼又云桃西方之

木味辛氣惡物或惡之木之不用桃猶菜之不用辛也今桃仁桃花桃梟桃葉桃毛桃蠹桃膠皆入藥而桃花服之能令人好顏色神仙家○植之圖經本草云大都佳果多是圃人以他木接根上栽之遂至肥美殊失本性此等藥中不可用之當以野生者為佳桃之花實竝茂而尤易生諺云頭白可種桃又曰桃三李四梅子十二齊民要術曰種桃法桃

熟時合肉全埋糞土中

直置凡地則不生生亦不茂桃性早實三

歲便結子故不求栽

至春既生移栽實地

若仍處糞中則實小而苦

栽法以鋤合土掘移之

桃性易種難栽若離本土率多死矣又

法桃熟時於向陽暖處寬深為坑取桃數十枚擘破將核納溼牛糞中尖頭向上覆土尺餘至春深芽長移核栽之或云種時以桃核刷淨令女子艷妝種之他日花艷而子離核桃性皮急四年以上宜以刀豎剝其皮不剝

者皮急則死七八年便老老則子細是以宜
歲歲種之三月中掘取野生者雖小勿動其
根上之土根一離土栽亦不活待長成小桃
樹以二八月中求佳種接之不過二三年卽
食其實聞之洞庭山人云諸果下種皆不變
唯桃不然實雖大種之則小故不如接也且
桃易生之木不唯可接本色而梅杏李無不
賴之故以多植爲美其種甚多有金桃形長

色深黃如金肉粘核多蛀不蛀者乃佳味甘
酸如柿綽有風致以七月盡熟有銀桃形圓
色青白肉不粘核味甘以六月中熟大可四
寸許金桃銀桃俱淡紅色又名水蜜桃有灰
桃卽崑崙桃又名墨桃花色比金銀桃尤淡
形長肉深紫紅色而皮色似灰核肉不相粘
味在銀桃之上以七月中熟大可四寸許有
襄桃開淡紅花形圓色青白肉不粘核味甘

以五月中熟大可二寸俗名楊桃云接楊樹而生非也有十月桃形圓色青花紅肉粘核味甘酸以十月中熟大徑寸半諸品中惟此最後疑卽古冬桃也有李桃花深紅色形圓色青肉不粘核味甘花葉形味皆桃也但其實光澤如李故名大徑寸半一名柰桃又名光桃有胭脂桃花如緋桃而單葉形圓色青肉粘核味甘酸以七月中熟有緋桃花色深

紅一種多葉結子皆雙一種千葉有四心結子或三或四多不成實有碧桃花色純白微碧一種單葉結實以七月中熟大可寸許一種千葉花色雅淡豐腴結實少與妃央桃同開最後有瑞香桃又名孩兒桃又名矮桃高一二尺實如金桃而圓秋熟建昌志所謂道州桃也蓋道州出侏儒而此桃形矮故名有美人桃花粉紅色千葉又名人面桃取人面

桃花相映紅之義最妖冶特不結實有妃央
桃千葉深紅開最後而輕盈婉麗在緋桃之
上結實必雙味亦酸甜可口有匾桃又名餅
桃又名盒盤桃有尖嘴桃亦謂之京桃花色
紅麗味亦甘美

李

柳李附

李之品見於傳記者甚多埤雅云李東方之果
木子也故其字從木從子爾雅翼云李木之
多子者故從子又云李南方之果也火者木
之子故名與埤雅說異其花白而細比桃尤
繁楊誠齋常疑韓退之詩不見桃花唯見李
花後登碧落堂望隔江桃李則桃暗而李明
乃悟其妙蓋炫晝編夜云蕭瑀陳士達於龍

昌寺看李花相與論李有九標謂香雅細淡
潔密宜月夜宜綠鬢泛酒無異色其實以五
月熟甘脆可啖有微澀且酸者亦隨其品之
上下而已青李外青內白嘉慶李外青內紅
俱核小味甘而嘉慶李尤勝韋述兩京記云
東都嘉慶坊有李樹其實甘鮮爲京都之美
故稱嘉慶李今人但言嘉慶子蓋稱謂旣熟
不以李名也建寧李亦甚佳土人乾之貨賣

四方聞北地有御黃子亦李之類而味甘美
齊民要術曰李性耐久樹得三十年老雖枝
枯子亦不細嫁李法於元日或上元日以輒
石著李樹岐中令實繁又臘月中以杖微擊
枝間至正月晦日復擊可令足子其不實者
亦於元旦五更四面照火亦云嫁李凡李桃
樹下竝鋤去草穢不用耕墾耕則肥而無實
樹下犁撥則樹死大率桃李方兩步一根根

密陰連則子細而味亦不佳便民圖纂云臘月中取根上發起小條移種別地待長行栽栽宜稀不宜肥地取桃樹接之則生子紅甘或以本色接之亦易活

榔李俗名壽李高五六尺叢生開細花或紅或白繁褥可愛陸龜蒙榔李花賦云一枝上能萬其膚萼一萼中自參其丹白是也花有三種一種開細白花單葉結子如櫻桃甘酸可

食二月開花六月中熟卽榔李也一種開細

白花千葉俗名喜梅又名玉蝶一種開細紅花千葉俗名玉梅皆榔李之類而千葉者結實多雙此爲異耳本草郁李仁取單葉者十

月中分栽陸璣草木疏云唐棣卽奧李也

奧音

郁一名雀梅亦曰車下李其花或赤或白六

月中熟大如李子可食埤雅云棠棣如李而小子如櫻桃正白花萼上承下覆甚相親爾

采薇所謂彼爾維何維常之華是也據此則
今之郁李卽古之所謂唐棣然郭璞註爾雅
以唐棣似白楊爾雅翼又以唐棣爲今移楊
非白楊皆不以郁李爲唐棣未知何故

石榴

石榴一名安石榴一名丹若又名天漿五月間
開紅花此花附萼皆真紅色瓣如撮丹鬚黃
粟密唯單葉者結實作房子甚多圖經本草
曰安石榴本生西域陸機與弟書云張騫出
使絕域十八載得塗林安石榴從安石得之
故名亦名海榴李贇皇花木記所謂凡花以
海名者皆從海外來也今處處有之木不甚

高大枝柯附幹自地便生作叢種極易息折其條盤土中便生花有黃赤二色實亦有甘酢二種甘者可食酢者入藥又一種山石榴形頗相類而絕小不作房青齊間甚多不入藥但蜜漬以當果疑卽今之火榴也齊民要術種石榴法三月初取指大枝長尺有半八九枝共爲一棵燒下頭二寸不燒則漏汁先掘圓坑深尺有七寸廣徑尺豎枝坑畔置枯骨礪

石於枝間骨石樹性所宜一層土一層骨石築實之

令沒枝頭寸許水澆常令潤澤旣生又以骨

石布其根下則柯圓枝茂若孤根獨立雖生亦不佳十月

天寒以蒲藁裹纏不裹則凍死二月初解放瑣碎

錄云種石榴先鋪一重石子次鋪少泥又鋪石子安根方著根在其上用泥覆蓋平地多用大石壓之水雲錄云三月移石榴其栽插

取嫩枝如指大者斬長一二尺枝頭以指甲

刮去一二寸皮深插於背陰地中無有不活
若以白榴枝插於紅榴枝上其花粉紅粉紅
亦另有種又臘月二十五日取嫩枝如小指
大者插肥土中卽活梅雨中亦活又有種子
法先於樹頭號定向背霜後摘下以稀布囊
貯之仍依舊號懸掛通風處復敲堅細土篩
去瓦石潑糞數次收貯缸內至次年二月初
取家用火盆鋪土三寸不得太厚每隔數寸

按一小潭納榴子數粒蓋土半寸許灑水令
溼置向陽處候長寸許每潭揀畱一大株肥
水再澆旣長分種盆內盆須極小種不宜深
仍令向陽日澆數次有雨卽蓋勿使淋去土
味或以麻餅浸水當日午澆之則花茂盛或
云盆榴無法只須浸曬冬間霜下收回南簷
如土乾時略將水潤至春深氣煖可放石上
翦去嫩苗勿令高大盛夏置日中或曬屋上

免近地氣致令根長及爲蚓蟻所穴每朝用米泔水沉沒花斛浸約半時取出日曬如覺土乾又復浸之殆良法也長佩花史曰榴品不一必以千葉紅榴爲正然就千葉中亦自迥別如吾蘇種則枝葉俱麓花瓣密綴黃粟五月盛開至七八月花事未闌較他榴爲特久有數花攢聚并成一朶者謂之餅榴有一花纔謝蒂中更發一花者謂之臺榴俗呼翻花石榴又有一種紅白相間比常花最鉅謂之瑪瑙榴總之非京種也京榴有二種葉細者枝亦柔裁剪之卽多曲折而花瓣較麓麓葉者花特細整而枝硬直少致二美實難兼也近有一種花葉俱細者從古榦吐奇葩兼擅其美稱獨步矣大抵榴不難生息而難培養插寸枝於土中灌水卽活不三年成樹稍失灌溉蛀卽隨之前功盡失故養榴之法無

園史 卷三
間寒暑以肥澆爲上大暑中尤宜頻澆常令
土潤澤則蛀不生往寓山中寓主植榴數本
甚奇古時三月旣望新綠滿枝紅英菽發忽
一日皆掐去問其故云是無庸畱畱卽枝葉
冗長花藥亦終脫落必稍遏其生機迨四月
間長新枝卽短茁如老榦花亦耐久因悟南
人脩之旣長不若北人挫其方萌者之爲得
也

梨

梨木堅實枝葉扶疎高二三丈二月中開白花
花較李花而大有二種瓣舒者佳最宜月下
所謂梨花院落溶溶月也洛陽風土梨花時
人多攜酒曰爲梨花洗妝別有紅梨花司馬
溫公詩云繁枝細葉互低昂香敵酴醾艷海
棠應爲窮邊太寥落併將春色付穠芳又曰
蜀江新錦濯朝陽楚國纖腰傅薄妝何事白

花零落早同時不敢鬪芬芳八月實始成外
黃內白脆美香甜真快果也清異錄謂梨爲
百損黃圖經本草曰梨種類殊別醫家相承
用乳梨鶯梨乳梨出宣城皮厚而肉實其味
極長鶯梨出都中及近都州郡皮薄多漿味
差遜於乳梨其香則過之衍義曰梨多食則
動脾唯病酒煩渴人宜食然終不能却疾魏
文帝詔曰真定梨大如拳甘若蜜脆若菱可
以解煩熱昔楊吉老善醫有人叩求診視吉
老曰君來年當以疽毒死今氣血凝結無可
解者沉思良久曰唯有鶯梨可往京師多買
食之是知梨能解毒豈槩謂之百損黃也梨
亦可釀酒癸辛襍識云李仲賓家有梨園一
歲倍收不能盡售漫用大甕儲數百枚以缶
掩蓋泥封其口過半歲忽聞酒氣因啓視藏
梨皆化爲水清冷可愛竟成佳醞飲之亦醉

今廣安州出紫梨到口即化遵化縣出綿梨
 山東六府並出其種曰紅消曰秋白曰香水
 曰鶯梨曰瓶梨唯東昌臨清武城三處者為
 最而宣城梨 國初歲貢五千餘斤及都北
 平尚不輟貢後言者以河間遷安梨不減宣
 城乞罷之姑蘇志云梨出洞庭者十種蜜梨
 臨梨張公梨白梨黃梨消梨喬梨鶯梨大柄
 金花梨太師梨又云常熟韓丘出者名韓梨

皮褐色肉如玉每歲所生不多價極貴凡梨
 削皮切片不移時變色唯韓梨經日不變所
 以獨貴齊民要術曰種梨以梨熟時全埋經
 年至春地釋分栽之多著熟糞及水至冬葉
 落附地刈殺之以炭火燒頭二年即結子

若櫓

生及種而不栽者則著子遲每梨插者彌疾

有十許子唯二子生梨餘皆生杜插法用棠杜

收得一杜如臂以上者皆任插

常先種杜經

客俱下亦得然俱杜樹大者插五枝小者或

下者杜死則不生三或二梨葉微動為上時將欲開莖為下時

先作麻紉纏十數匝以鋸截杜今去地五六

寸不纏恐插時皮披留杜高者梨枝繁茂遇

大風即披其高留杜者梨樹早成然宜高

作蒿簞盛杜以土築之令沒斜攲竹為籤刺

風時以籠盛梨則免披耳皮木之際今深一寸許折取梨枝之美而陽

中者陰中枝則實少長五六寸亦斜攲之今過心大

小長短與籤等以刀微剝梨枝劉烏更切斜攲之

際剝去黑皮勿令傷青拔去竹籤即插梨至

劉處木還向木皮還近皮插訖以綿幕杜頭

封熟泥於上以土培覆令梨枝僅得出頭以

土壅四畔當梨上沃水水盡以土覆之勿令

堅涸百不失一梨枝甚脆培土時宜其十字

破杜者十不收一木裂皮開梨既生杜旁有

葉輒去之不去勢分梨長必遲居家必用云

以春分日將旺梨筭作拐樣斫下兩頭用火

梨

燒紅鐵器烙定津脉栽之入地二尺許

只用春分

日前後一日俱不可

又云梨子最怕凍安頓煖處又不

宜與酒相近便民圖纂曰梨春間下種待長三尺許移栽或將根上發起小科栽之俟幹如酒盃大於來春發芽時取別樹生梨嫩條如指大者截長七八寸名曰梨貼將原幹削開兩邊插入梨貼稻草緊縛不可動搖月餘自發芽長大卽生梨梨生用箬包裹恐象鼻

蟲傷損洞庭山梨俱用此法或云接梨桑上生子甘脆然齊民要術獨殿桑梨似未可盡信爾雅翼云植梨日鑽之蓋植梨爲蜂所喜被螫輒不可食故鑽去之今人皆就木上大作油囊裹之梨滋長大而無傷

櫻桃

櫻桃古名檠桃一名荆桃一名朱桃一名含桃
一名英桃又名鶯桃禮記曰仲夏之月以雛
嘗黍羞以含桃先薦寢廟埤雅云爲木多陰
其果先熟許慎曰鶯之所含食故曰含桃亦
謂之鶯桃云圖經本草曰櫻桃處處有之而
洛中南都最勝其實熟時深紅色曰朱櫻正
黃色者曰蠟櫻極大若彈丸核細而肉厚者

爲難得食之調中益氣美顏色雖多無損但發虛熱衍義曰此果三四月間熟得正陽之氣故性熱吳郡志曰自唐已有吳櫻桃之名今之品高者出常熟縣色微黃名蠟櫻者味尤勝朱櫻不能尚之白樂天吳櫻桃詩云含桃最說出東吳香色鮮濃氣味殊松江府志曰初熟時烏雀羣飛就啄白頭翁尤好食之故種此樹者聚作一所可便料理或用網覆

樹頂或用鈴索看護又遇雨則皆零落仍用葦箔遮覆齊民要術曰此果性生陰地旣入園圃便是陽中故多難得性宜堅實之地不可虛糞便民圖纂曰三四月間折樹枝有根鬚者栽於土中以糞澆之則活八月中亦可分栽臘月以糞澆灌再取熟過河泥壅之方得茂實肥大浣花雜志曰黃梅雨內插之卽活三才圖令曰其葉可搗傅蛇毒亦搗汁服

東行根可殺寸白蟲

汝南圃史卷之三

